

## Lan-eskaintzen erregistroa 2023ko abuztuan

### • ERREGISTRATUTAKO LAN-ESKAINZA KOPURUA

Euskal Autonomia Erkidegoko enplegu-bulegoetan 707 eskaintza erregistratu dira 2023ko abuztuan, uztailen baino 413 gutxiago eta 2022ko abuztuan baino 35 gehiago.


### • LURRALDE HISTORIKOAK

Kudeaketako Administrazio Unitate-aren lurralde historikoari dagokionez, 2023ko abuztuan 112 eskaintza erregistratu dira Araban, 305 Gipuzkoan eta 290 Bizkaian. Eskaintzen % 15,8 Arabako UAGetan erregistratu dira, % 43,1 Gipuzkoan eta % 41 Bizkaian.

Arabaren hilabete honetan, eskaintzek % 46,9 egin dute gora (99 eskaintza gutxiago); Gipuzkoan, % 31,6 egin dute behera (141 eskaintza gutxiago), eta Bizkaian, % 37,4 egin dute behera (173 eskaintza gutxiago).

Iazko hil beraren aldean, 24 eskaintza gutxiago izan dira Araban ( % 17,6ko beherakada); Gipuzkoan, aldiz, 26 eskaintza gehiago izan dira (+% 9,3); eta Bizkaian, hazkundera haundiagoa da, 33 eskaintza gehiago erregistratu baitira (+%12,8).

Eskaintzaren Lurralde Historikoa



### • ESKAINTZAREN OKUPAZIOA

Okupazio-profilei dagokienez, EAEn zientzietako teknikarien profilak izan ditu eskaintza gehien: 146 eskaintza guztien % 20,7. Ondoren, zerbitzuetako profila dator, 141 eskaintzarekin eta % 19,9ko pisuarekin. Laguntzako teknikarien, ez kualifikatuak eta industriako okupazio-profilek ere pisu handia dute erregistratutako eskaintzei dagokienez, hauen bolumenaren ehunekoak % 15,6, % 15 eta % 13,2 baitira, hurrenez hurren. Eskaintza gutxien erregistratu dituzten profilak lehen sektorekoak eta zuzendaritzakoak izan dira, 7 eta 4 eskaintzekin, hurrenez hurren.

Joan den hilabetearekin alderatuta, profil gehienetan eskaintza kopuruak behera egin du lehen sektorekoetan eta zerbitzuetan izan ezik; 3 eskaintza egin du gora bakoitzean. Kopuru absolutuetan, beherakada handiena izan duen profila zientzia-teknikariena izan da, 87 eskaintza gutxiagorekin eta % 37,3ko jaitsierarekin; balio erlatiboetan, berriz, jaitsierarik handiena administrazioen profilean izan da, % 44,1eko jaitsiera izan baitu (41 eskaintza gutxiago).


Urte arteko saldoari dagokionez, jaitsierarik handiena, balio absolutu zein erlatiboetan, operadoreen profilak jasan du, % 40ko jaitsierarekin (32 eskaintza gutxiago). Aldiz, gorakada handiena laguntza-teknikarien eskaintzetan gertatu da: 31 eskaintza gehiago eta % 39,2ko igoera.

### • K O N T R A T U M O T A

Erregistratutako eskaintzen % 41,9 mugagabeak izan dira, eskaintzen % 58 aldi baterakoak, eta gainerako % 0,1 merkataritzakoak. Kontratu mugagabeen eskaintzen ehunekoa handia da, gainera, uztailetik eta iazko abuztutik hona ia 6 puntutan igo da. Datu horiek indartu egiten dute lan-erreformaren ondoren eskaintza mugagabeen presentzia handiagoa izateko joera. Mugagabeko eskaintzak 296 izan dira, aurreko hilean


baino 108 gutxiago ( % 26,7ko beherakada). Aldi baterako eskaintzek ere behera egin dute (305 eskaintza gutxiago), 410 guztira; termino erlatiboetan, jaitsiera % 42,7koa izan da. Azkenik, merkataritzako eskaintza 1 izan da 2023ko abuztuan, aurreko hilean bezala.

Urte arteko saldoari dagokionez, kontratu mugagabeko 53 eskaintza gehiago egon dira( % 21,8ko igoera); aldi baterako kontratuko eskaintzek, aldiz, % 3,8 egin dute behera, 16 eskaintza gutxiago. Azkenik, merkataritzako 2 eskaintza gutxiago erregistratu dira, 3 eskaintza izatetik 1 izatera igaro baitira urteko erreferentzian.



### • E S K A T U T A K O E S P E R I E N T Z I A - D E N B O R A

2023ko abuztuan erregistratutako eskaintzen % 77,1ek 0 eta 6 hil arteko esperientzia behar dute, 545 eskaintza guztira. Eskaintzen % 11,7k (83 guztira) 6 eta 12 hilabete arteko esperientzia eskatzen dute. Ehuneko txikiagoak dituzte esperientzia-aldi luzeagoa eskatzen duten eskaintzek, hala nola 3 eta 5 urte bitartekoek, % 2,3ko pisuarekin (16 eskaintza) eta 5 urte baino gehiago eskatzen dituztenek; 6 eskaintza eta % 0,9ko pisua.



Hilabete arteko bilakaerari dagokionez, eskaintzek behera egin dute tarte guztietan. Jaitsierarik handiena, balio absolutuetan, 0 eta 6 hilabete bitarteko esperientzia-tartean gertatu da, 352 kontratu gutxiagorekin (% 39,2ko beherakada); portzentaiaetan, 5 urtetik gorako esperientziako eskaintzetan izan da jaitsiera handiena, % 40 jaitsi baitira (4 eskaintza gutxiago).

Urteko bilakaeran, eskaintzek behera egin dute 6-12 hilabete bitarteko eskaintzetan (-9, % 9,8ko beherakada) eta 1-3 urte bitartekoetan (2 eskaintza gutxiago, -% 3,4). Bestalde, beste tarte eskaintzak guztiak hazi egin dira: gehien igo direnak, balio absolutuetan, 0 eta 6 hilabete


## Lan-eskaintzen erregistroa 2023ko abuztuan

bitartekoak dira (38 eskaintza gehiago, % 7,5eko igoera); balio erlatiboetan, 5 urtetik gorakoetan gertatu da, % 500 igo baita (1etik 6ra).

Abuztuan, erregistratutako lan-eskaintzek 8 hilabeteko batez besteko esperientzia eskatu dute, uztailan bezala.

### • LANALDI MOTA

Ezer baino lehen, aipatu behar da lan-eskaintza guztiek ez dutela zehazten zer lan-jardunaldi egin behar den eskaintzak erregistratzeko orduan; eskaintzen % 12,7k bakarrik zehazten dute lanaldia, aurreko hilean baino 2,2 puntu gutxiago (707 eskaintzatik 90 soilik). 90 eskaintzatatik 73 lanaldi osokoak izan dira, eta gainerakoak 17 lanaldi partzialekoak.



Bilakaerari dagokionez, lanaldi osoko eskaintzak 66 gutxiago izan dira uztailarekin alderatuta, hau da, % 47,5 jaitsi dira. Lanaldi partzialeko eskaintzek behera egin dute 11 eskaintzatan, eta jaitsiera erlatiboa % 39,3koa izan da.

Aurreko urteko hil beraren aldean, bai lanaldi osoko eskaintzak zein lanaldi partzialekoak, apur bat hazi dira 2 eta 1 eskaintza gehiago ( % 2,8 eta % 6,3, hurrenez hurren).

### • ALDI BATERAKO LANERAKO ENPRESAK (ABLE)


Hil honetan 9 lan eskaintza kudeatu dira ABLEn bitartez, aurreko hilean baino 3 gehiago eta aurreko urtean baino 1 gehiago.

### • ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 84,9k ez du zehazten zein den eskatutako prestakuntza maila minimoa: 707 eskaintzetatik 107k soilik zehaztu dute.

107 eskaintza horietatik, 43k LH mailako prestakuntza eskatu dute; ikasketa maila honetako eskaintzak izan dira ugarienak. Ondoren, unibertsitateko ikasketa maila eskatu dutenak daude; 31 izan dira apirilean. Azkenik, oinarritzko eta batxilergoko ikasketak eskatzen dituzten eskaintzak daude (22 eta 11 eskaintza, hurrenez hurren).

**Eskatutako gutxieneko prestakuntza maila**



Hil arteko konparaketan, jaitsi egin dira ikasketen profil guztiak batxilergokoak izan ezik; hauek 5 eskaintzatan igo dira (% 83,3ko hazkundera). Jaitsiera handiena, bai balore absolutu zein erlatibotan, unibertsitateko ikasketak eskatzen dituzten eskaintzetan gertatu da, 38 eskaintza gutxiago eta % 55,1eko beherakada.

## Lan-eskaintzen erregistroa 2023ko abuztuan

2022ko abuztuarekin alderatuta, gora egin dute LHko ikasketak (7 eskaintza gehiago, + %19,4) eta batxilergokoak (+5 eta % 83,3 gehiago). Beste muturrean, gehien jaitsi direnak, balio absolutu zein erlatiboetan, unibertsitateko ikasketak behar dituzten eskaintzak dira, 8 eskaintza gutxiago eta % 20,5eko jaitsiera erlatiboarekin.

### • ESKAINTZAREN JARDUERA

Gehien nabarmentzen den jarduera, EAEko enplegu-bulegoetan erregistratu diren eskaintzen bolumenagatik, osasun jarduera da, % 13ko pisuarekin (92 eskaintza). Ondoren jarduera administratiboko eskaintzak datoz, guztira 85 eskaintza, hau da, hileko eskaintza guztien % 12 eta merkataritza, guztira 84 eskaintza eta % 11,9.

Aurreko hilabetearen aldean, eskaintza gehienak jaitsi dira eta ez da bat bera ere igo. Gehien jaitsi direnak, gutxieneko eskaintza kopurua duten jardueren artean, manufaktura industriako eskaintzak izan dira, 73 gutxiago ( % 49,7ko beherakada). Nabarmentzekoa da ere merkataritzak jasan duen jaitsiera, 48 eskaintza gutxiago (% 36,7 gutxiago).

Urte arteko saldoari dagokionez, nabarmentzekoa da garraioko jaitsiera, 22 eskaintza gutxiagorekin (-% 47,8), eta ondoren merkataritzaren jaitsiera (11 eskaintza gutxiago, % 11,6ko beherakada). Beste muturrean, igoerarik handiena, balio absolutuetan, jarduera administratioko eskaintzetan gertatu da, 27 eskaintza gehiago erregistratu baitira ( % 46,66ko hazkundea); balio erlatiboetan, bilakaerarik onena, gutxieneko eskaintza duten jardueren artean, beste zerbitzuak izan du, 16 eskaintza gehiago eta % 100eko igoera izan baitu.

### Eskaintzaren jarduera

